

KONTROL MOZIOA

Topoaren obrek eragindako trafiko aldaketak direla eta

Garbiñe Alkiza Lopez de Samaniego EH BILDU udal taldeko zinegotziak, Udalbatzaren Organo Araudiko 98. artikulua oinarri, mozio hau aurkezten du, Udalbatzan azter dadin. Mozioa 2023ko uztailaren 17an Gune Publikoen Batzordean aztertutako interpelazioaren ondorioa da.

JUSTIFIKAZIOA

lazko udan izan genuen mugikortasun arazoa kontuan izanik, pentsatzekoa da aurtengoan ere trafiko handia izango dugula erdigunean eta horrek arazoak sortuko dituela mugikortasunean.

Hiriaren erdigunean egin diren aldaketak direla-eta Udal Gobernuak publiko egin zuen prentsa-oharrak dio hiria bere mugikortasun eredua eta herritarrentzako espazioak berrantolatzen ari dela. Baina nekez sinetsi dezakegu hori, oraindik ere edonork gure hiriaren erdiguneraino zuzenean autoz etortzeko aukera duenean eta oraindik ere Isurpen Gutxiko Eremurik ezarri ez denean, eta aldaketak inprobisazioz egiten direnean.

Ohar berean, Udal Gobernuak Donostia bisitatzera datozenei dei egiten die hiriko disuasio-aparkaleku bakarra, Illunbekoa, erabiltzeko. Jakinik iaz ere Illunbeko disuasio-aparkaleku hori bakarrik izan genuela bisitarientzat eta ez zituela trafiko arazoak konpondu, eta gainera, lur azpiko parking gehienak hiriaren erdigunean izanik, eremu hori kolapsatuta izan genuela uda sasoian.

Aurtengo neurri gisa Udal Gobernuak erabaki du 22 puntu ezartzea, mugikortasun agenteekin, 11:00-18:00 bitartean eta erdiguneko lur azpiko parkingak betetzen direnean, puntu horietan trafikoari erdigunerako sarbidea moztea. Badakigu irtenbidea ez dela erraza, baina jakin badakigu mozketa horiek arazoak sortu dituztela, batez ere Ategorrietan eta Pio XII. inguruan. Mozketa

EH Bildu talde politikoa

Grupo político EH Bildu

Ijentea, 1 - 20003 Donostia
Tel. 943481027 eh_bildu@donostia.eus-- www.donostia.ehbildu.eus -

horiekin auto ilara handiak sortu dira, garraio publikoa bertan harrapatuta geratu da eta, gainera, 22 mugikortasun-agente puntu horietan izatera behartu du neurriak -bestelako lanei erantzun ezinik-.

Argi dago erdiguneko mugikortasunak arazoak dituela eta aldaketa bat behar duela. Arazo hori hainbat neurriekin konpondu daiteke eta horietako bat gure hirian disuasio-aparkaleku gehiago jartzea izan daiteke.

Egun Donostiako Udalak gomendatzen dituen disuasio-aparkalekuak honako hauek dira: Illumbe, Miramon, Igara, Zuatzu, Garbera eta Ficoba. Illumbekoa soilik udarako eta beste laurak, asteburuetan. Egunero mantentzen den aparkalekua Ficobakoa da, Euskotrenekin lotua.

Hortaz, EH Bilduren ustez, egun ditugun disuasio-aparkalekuak indartu egin behar dira eta bestelako alternatiba berriak bilatu.

Batzordeetan alkatea interpelatu genuen honi guztiari buruz eta erantzun zuen zaila zela gaur egun disuasio-aparkaleku berriak sortzea, lursail berriak bilatzea zaila delako. Argi utzi zuen bide horretan urratsak egiteko ekimen falta.

EH Bilduren ustez, alternatiba horietako bat izan daiteke Aritzetako disuasio-aparkalekua erabiltzea gure hirira datozen bisitariak autoa bertan utz dezaten. 2019an Gipuzkoako Foru Aldundiak Aritzetako disuasio-aparkalekua handitu eta 305 ibilgailurentzako lekua sortu zuen. Horrez gain, duela bederatzi urte, Dbusek Aritzeta Donostiarekin autobusez lotzeko beharko litzatekeen inbertsioaren estimazio bat egin zuen.

Beraz, egun Donostian bizi dugun autoen pilaketa arazoa dela eta, alternatiba hau berriro aztertzea beharrezkoa dela uste dugu, gaur egungo disuasio-parkingak indartzearekin batera.

EH Bildu talde politikoa

Grupo político EH Bildu

Ijentea, 1 - 20003 Donostia
Tel. 943481027 eh_bildu@donostia.eus-- www.donostia.ehbildu.eus -

Horiek horrela, honako hau da behean sinatzen duen zinegotziak aurkeztutako **KONTROL MOZIOA**:

1. Donostiako Udalbatzak hertsiki eskatzen dio Udal Gobernuari Aritzetako aparkalekua Donostiarekin lotzeko beharko lituzkeen inbertsio eta baliabideen beste azterketa bat egin dezala.
2. Donostiako Udalbatzak hertsiki eskatzen dio Udal Gobernuari Illunbeko disuasio-aparkalekua indartu dezala eta, horretarako, gaur egungoa (uztailaren 8tik irailaren 10era) baino garai luzeagoan erabili dadin neurriak har ditzala eta bertara joateko seinaletika hobetu dezala.

Donostian, 2023ko uztailaren 20ean



Garbiñe Alkiza Lopez de Samaniego
EH BILDU udal taldeko zinegotzia